



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 31. Joannes Papa Romam venit, & Bononiam Minutulo Cardinali
administrandam committit.

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

Sæcul. XV. illum omnes ut sceleratum ac contami-
A C. 1411. natum hominem abominarentur.

§. XXX.

*Papæ & Ludovici Andegavensis
 consilia ad pellendum La-
 dislaum.*

*Juven. Ur.
 In. Hist-
 Carol. Vl.*

Joannes XXIII, quamprimum se in Sa-
 cræ Sedis folio satis firmatum vide-
 rat, omnia sua studia eo vertit, ut La-
 dislaum e Regno Neapolitano ejiceret,
 illiusque possessionem Ludovico Ande-
 gavensi assereret, qui jam anno priori om-
 nibus ditionibus, quas Ladislaus in E-
 truria & Patrimonio S. Petri occupave-
 rat, recuperatis, ex Italia redux in Gal-
 lias reversus est, ea mente, ut ibidem
 delectu habito suas augetet copias, quas
 omnes maritimo itinere secum duxe-
 rat, earumque una parte naves suas in-
 struxerat, quibus stipatus Bononiam ire,
 ac cum Neo-electo Pontifice conferre de-
 crevit.

§. XXXI.

*Joannes Papa Romam venit, & Bo-
 noniæ administrationem Cardinali
 Minutulo relinquit.*

*Brev. ad an.
 1411. §. 4.*

Igitur Bononiæ Joannem inter & Lu-
 dovicum conventum est de parando in
 Ladis-

Ladislau bello, & præprimis consultis-^{Sæcul. XV.}
 simum fore judicant, ut Joannes ad Ro-^{A C. 1411.}
 manorum preces recta Romam peteret,
 atque Urbe recuperata illam ab infesta-
 tionibus, quibus a Ladislao premebatur,
 liberaret. Priusquam vero Papa itineri
 se accingeret, quam maxime erat inten-
 tus, ut securitati rerum in Italia prospiceret,
 atque jura sua tueretur. Ideo
 Henrico Minutulo Cardinali Episcopo
 tit. S. Sabinæ, Bononiensis urbis totius-
 que Romandiolæ administrationem com-
 misit, adjecto etiam Legati perpetui ho-
 nore. Hujus Legationis initia non ad-
 modum prospera erant, populus enim ty-
 rannicum Joannis XXIII imperium per-
 tæsus, jugum excutiendi occasionem ex
 ipsius absentia sumpsit; ipsumque Lega-
 tum Cives expellunt, ejusque Palatium
 occupant, sibi que supremi Domini jura
 vendicant. Quo comperto Joannes XXIII
 totam civitatem interdicto mulctat; post-
 quam vero modico tempore præterlapso
 præcipui seditionis Auctores propulsati
 fuerant, Papa Anno millesimo quadrin-
 gesimo duodecimo Cardinalem de Fli-
 sco interdictum solvendi urbemque
 Ecclesiæ reconciliandi plena munitum
 auctoritate Bononiam decrevit: quod &
 optato executus est successu, opitulante
 Jacobo Insulano, qui apud Bononienses
 non modica valebat potentia atque au-
 ctori-

Sæcul. XV. A. C. 1411. ettoritate. Ceteræ status Ecclesiastici
ditiones Cardinalis Ottonis de Columna
regimini concreditæ fuerunt; Hic ipse
fuit dein in Concilio Constantiensi Papa
renuntiatus sub nomine Martini V.

§. XXXII.

*Pontificis ingressus sollemnis in
Urbem.*

Bzov. v. 3.
Antoniu.
part. 3. tit. 22
e. 6.

Omnius his provide dispositis Papa
Romam iter instituit, comitantibus
Ludovico Andegavensi, cunctis Cardina-
libus, omnibusque primariis belli Duci-
bus. Urbem ingreditur die decima ter-
tia Aprilis cum ingenti pompa, populo
ac Clero Romano ubique festive accla-
mantibus, utpote qui post perperam La-
dislai tyrannidem ardentissimis votis
summum Pontificem intra urbis suæ mæ-
nia recipere desiderabant. Hic in Eccle-
sia Vaticana S. Petri Pontificalibus orna-
tus Sacrum celebrat, & vigesima tertia
ejusdem Mensis die Divo Georgio sacra
in eadem Basilica Vexillum majus Eccle-
siæ sollemni ritu consecrat, quo Ludovi-
ci Andegavensis manibus tradito illum
supremum exercitus Imperatorem & pri-
marium Ecclesiæ Vexilliferum declarat.
demum Senatus, populique Romani ve-
xillum Paulo Ursino, qui Ecclesiastico ex-
ercitui